





6273
OR

LES REGRETS

DV TRESPAS DV TRES-
haut , & inuincible Prince , Monseigneur
FRANÇOIS PARIS DE LORRAINE
Cheuallier de Guyse , Lieutenant general
pour le Roy en Prouence , où il est decedé
au chasteau de Baux le premier iour de
Juin mil six cens quatorze.

Par P. DV BLANC PROTONOTAIRE du
S. Siege Apostolique , Docteur en Theologie,
Conseiller & Aumosnier ordinaire
du Roy.



A ROVEN.

Chez PIERRE DELA MOTTE, à la basse vieil-
tour, deuant le Chesne.

Care

F

39

1326

1614

THE NEWBERRY
LIBRARY



PETRI , SANCTÆ SEDIS

*Apostolica PROTONOTARII DV
BLANC, Doctoris Theologi, & Christianis-
simi Galliarum & Navarra Regis Consiliarij
& Eleemosinarij.*

IN OBITVM INVINCIBILIS,
strenuissimæ, generosissimæ, serenissi-
mæ Principis FRANCISCI PA-
RIDIS A LOTHARINGIA ordinis
sancti Ioannis Hierosolimitani Tor-
quati equitis, de toto suo ordine, to-
toque terrarum orbe, optime meriti.

EPITAPHIV M.

QVI iuuenis Princeps, & Patris, & instar
Avorum.

Guisus eques forti gesserat arma manu,
Vix noua lanugo Vultus decorabat amicos.
Per roscas serpens leniter aqua genas,

A ij

Tam, iam sublimi feriebat vertice cælum,
 Magnanimo inuidit cum fera Parca Duci.
 Nescia sed inuicem Mors hunc occidere, dixit,
 Morte senes abeant Marte iuuenta cadat.
 Sed quia fulmen erat Martis, quia fulmen in hostes
 His quia non poterat, Marte nec ipse mori.
 Proh dolor! heu Martis fletum dum fulmen adurit,
 Tunc proprio laesus vulnere membra, ruit.
 Mens illaesa Deos adiit, procul este querela,
 Vita sibi, prope a morte perennis erit
 Postumus, in terris nascens post funera Patris,
 Post sua, Guysus eques nascitur ipse polo.



A TRES-HAUT, TRES-
puissant, tres-generieux & Catholique
Prince, Monseigneur HENRY DE LOR-
RAINE Dud de Mayene, & d'Aiguil-
lon, Pair & grand Chambellan de
France, Gouverneur, & Lieutenant
general pour le Roy en l'Isle de Fran-
ce.

MONSEIGNEUR,
N'y ayant rien en vous qui ne soit
infiniment loüable: Neantmoins tous
les gens de bien auourd'huy ne cessent
de particulierement admirer le naturel
de vostre bon sang, qui n'a sçeu manquer de vus sub-
uenir à la deplorable playe qui vient d'estre faite à vo-
stre Royale maison, au detrimement vniuersel de toute la
Chrestienté. Les extremes regrets que vous en auez fait
& ne cessez de faire, Monseigneur, ont seruy tous seuls
d'argument & d'origine à ceux-cy que mon ame sa-
sée de douleur n'a peu s'empescher de produire: d'où
pour ne les auoir emprunté que des vostres, i'ay creu

premierement ne les deuoir offrir, renuoyer, ou les rendre, qu'à vostre iuste ressentiment, qui me fera tousiours l'honneur s'il luy plaist de m'aduouer pour estre, comme veritablement ie suis,

MONSEIGNEVR

Vostre tres-humble, tres-obeyssant, & tres-obligé seruiteur le **PROTONOTAIRE**
DV BLANC.

A Paris ce 8. Iuin 1614.





LES REGRETS DV TRESPAS
 du tres haut, & invincible Prince, Monseigneur
 FRANÇOIS PARIS DE LORRAINE
 Chevalier de Guyse, Lieutenant general pour
 le Roy en prouence, où il est decedé au
 chasteau de Baux le 1. de Iuin

1614.

LES feux de ioye du monde, sont
 aussi tost esteints qu'allumez; desia
 Paris & toute la France commen-
 coit d'en faire par tous ses coings
 à l'honneur de la paix, & voicy
 comme elle aujourd'huy s'en va les esteignant
 par vne abondance de larmes, qu'outrée d'une
 iuste douleur ne se peut tenir de verser au dueil
 & à la deploration de son irreparable perte.
 Helas! elle est si grande, que ie ne crois pas que
 les nations, voire les plus estranges (si ce n'est
 le Turc, ou bien les ames infideles) n'en ayent
 & n'en tesmoignent vn extrême regret, com-

patissant à celuy que nous auons pour le trespas
de l'un des plus grands Princes en generosité,
modestie, franchise, pieté & vertu, qui peut e-
stre air iamais esté de son aage.

C'est, feu d'heureuse & d'immortelle memo-
re le tres-haut, le tres-puissant; & l'innuincible
Prince, Monseigneur FRANÇOIS PARIS
DE LORRAINE, Cheualier de Guyse, &
Lieutenant general pour le Roy en Prouence,
de qui auourd'huy nous portons le dueil, &
pleurons le trespas sans pouuoir dire ses loüan-
ges, que seulement à peine peut-on conceuoir,
Laudunt in portis opera eius, aux Prouerbes 31.

Comme il est vray, que ce seroit vainement
s'enquerir de la qualité, pouuoir & richesses des
hommes, de qui l'on voit à leurs portes les meu-
bles entalez pour en faire l'incant, car de là sans
qu'on le nous die plus expressement nostre co-
gnoissance se peut esclaireir assez d'elle mesmes
quelle pouuoit estre leur condition, & si aupä-
rauant leur deceds ils estoient ou bien riches,
ou pauures; Aussi de mesme nous auourd'huy
n'auons nous pas besoin des plumes, ou des
langues des Orateurs pour apprendre & sca-
uoir par eux, quel & combien grand Prince e-
stoit feu Monseigneur le Cheualier, Prince de
de tous les Cheualiers, Cheualier, & d'honneur
& de

& de gloire, puis qu'il est vray qu'aux portes de
 sa tres-generouse vie, & de sa tres-chrestienne
 & Catholique mort, tous ses glorieux effects,
 toutes ses palmes, & ses lauriers, ainsi que meu-
 bles tres-precieux, nous assurent d'eux mesme
 la perfection, excellence, & immortalité du me-
 rite lequel il possedoit, sa tres-heroïque vie du-
 rant: Il a vescu, ce grand Prince a vescu, ce gene-
 reux & braue Cheualier a vescu, luy qui estoit
 l'un des delices du Ciel, vne merueille en la ter-
 re, vn chef-d'œuvre de la nature, vn patron sur-
 naturel de l'honneur, & de la bien-seance: Il a
 vescu, mais avec quelle crainte de Dieu? avec
 quel zele pour la Religion Cattolique, Aposto-
 lique & Romaine? Il a vescu, mais avec quelle
 incroyable passion pour le tres-humble seruice
 & fidelité qu'il deuoit à nostre Roy, & à la
 Roynes? Il a vescu, mais avec quelle obeyssance,
 avec quel honneur & deuoir à Madame sa me-
 re? Mais avec quelle obeyssance & respect à
 Monseigneur le Duc de Guyse? Mais avec quels
 transports d'affection pour Madame la Prin-
 cesse sa sœur? Pour Madame la Duchesse sa bel-
 le sœur? Pour Messieurs ses freres? Pour tou-
 te sa tres-generouse, serenissime, & Royale
 maison? Il a vescu, mais avec quelle franchise
 parmy les ennemis? Mais avec quelle candeur

& sincerité parmy tous ses amis & seruiteurs?
 Mais avec quelle courtoisie & modestie, tant
 enuers les grands qu'à l'endroict des petits? Il
 a vescu, mais avec quelle reputation, ce bel O-
 rient de la Cour a vescu, mais combien esclairé
 de los & de gloire? Mais combien tout radieux
 des esclats de l'honneur? Il a vescu, combien de
 fois touché de mille aiguillons de vanité, sans
 que pour ce iamais il soit paru taché de vanité?
 Il a vescu, tout courageux, tout triomphant? Il
 a vescu, mais vingt. cinq ans seulement. Hé bon
 Dieu! ceste terreur de vos ennemis ne vit elle
 plus? Ce veritable prouincq de la Royale tige
 de Charles-Magne & de Godefroy, la terreur
 de l'infidelle croissant s'en est donc allée de vie
 à trespas? O ciel pourquoy as-tu rauy cest hon-
 neur de la terre, ce charme des cœurs, cest ob-
 iect des hommes courageux, & biens faicts? Ce
 tableau, de qui les traicts n'estoient qu'Angeli-
 ques, ou tous diuins? ceste pyramide sans om-
 bre? O ciel pourquoy as-tu attiré à toy ceste si
 douce humeur de la terre? Pourquoy as-tu fle-
 stry & fané ceste fleur, ce laurier, ceste palme, le
 printemps de ce tant braue Prince, sans vouloir
 plus attendre son aage meur? Il a vescu, mais
 hélas il viuroit encore, mais ce beau corps ani-
 mé d'une ame heroïque, si diuinement com-

party & proportionné, n'eust point autresfois
 expérimenté en soy la violence des blessures, si
 son courage des-aduoüé de la raison, ne l'eust
 de Prince qu'il estoit exposé au hazard, comme
 s'il eust esté Gentil-homme? Il a vescu, & ce
 Prince tant genereux & braue, nous le verrions
 à l'heure tout viuant, nous oyriens encores en
 France tonner ce puissant foudre de guerre, si
 estant comme il estoit inuincible, & ne pouuât
 estre vaincu que par luy-mesme, il n'eust voulu
 s'exposer à l'insensible furie d'un Canon, & fou-
 dre d'airain, qui se creuant allumé de la propre
 main de ce braue & hazardeux Cheualier, main
 tousiours auparauant victorieuse, ô mal-heur,
 l'offença de telle sorte par l'un de ses esclats,
 que peu d'heure apres auoir eu tant seulement
 le loisir de dignement recognoistre & receuoir
 son Createur, l'Esprit de ce ieune Prince helas!
 s'enuola bien-heureux, comme pieusement
 nous deuons tous croire, dās la gloire du Ciel.

Ces paroles m'arrestent icy tout court & me
 ferment la bouche, où si encor ie l'ouure, ce
 n'est que pour bailler quelque peu de passage
 à la presse de mes sanglots, ou bien pour finir &
 dire qu'en verité les ames sensibles ne se peuent
 point guere autrement consoler en ceste perte
 particuliere à la maison du Prince deffunct, ge-

nerale à la France, à Malthe, & a toute la Chrestienté, qu'en se ressouenant qu'aux portes de sa genereuse vie, & de sa Catholique mort, de son commencement, & de sa fin, toutes ses actions ordinairement genereuses & admirables, le rendront recommandable tousiours par tout, comme aussi sa memoire eternellemēt perdurable de l'un & l'autre pole.

O hommes, insensez, qui pour la plus part ne vous amusez chaque iour qu'à brouyer mille & mille diuerses couleurs, pour parer & peindre l'idole de vos vanitez. Auioird'hy reuenant à vous, à la consideration de vous mesmes, esprits & esmeuz par la subite, inesperee & desplorabile mort de ce ieune Prince, ne voyez vous pas que parmy les songes de vos imaginaires perpetuitez, & ceste esperance enchanteresse, que vous aurez assez de temps, la vie s'enfuit, & la mort la suit, que la vie s'euole insensiblement, ou rauie par la necessité, ou soustraite par vne vanité, ou s'escolât par sa naturelle vitesse, & se precipitât par la pente de ceste vie, cōme fait le torrent d'une haute mōtagne. Temoinz celle du prince de qui nous deplorōs le trespas, de qui le nō & toutes les actions extremement genereuses viuront eternellemēt dans le monde: Mais beaucoup mieux son ~~me~~ dans la gloire de Paradis.

DVM MORIOR, ORIOR.



A MADAME LA PRINCES.

SE DE CONTY, SOEUR DE FRV

Monsieur Le Cheualier
de Guise,

SONNET.

Grand' Dame dont l'honneur & les
perfections
Ourdissent dans le Ciel vne belle fortune

Quittez cest aiguillon qui par trop im-
portune
Le lustre radieux de vos conceptions.

Le dueil qui prend plaisir parmy nos
actions,
S'apriuoise souuent comme chose com-
mune,
Et fait tant à la fin que son ombre & sa
brune,

Engendre dans nos cœurs de viues pas-
sions.

C'est pourquoy le deuoir qui coniure
vostre ame
Desteindre de tout point cette mortelle
flame
Qui seiche peu a peu vostre tranquillité.
Ne vise point ailleurs qu'à l'entiere frac-
ture
Du triste souuenir qui vous sert de bles-
sure
Banissant a iamais cette importunité.



EPITAPHE A LA MEMOI-
RE DE FEV MONSIEVR LE
Cheualier de Guise.

E Prince valeureux adopté de Belonne
Que l'on eust cren dompter le destin & la
mort,
Gist ores pallissant par vn subtil effort
Aux sentiers rebatus de la Parque felonne.

Il est mort pour le vray, son ame s'abandonne,
Entre les bras de ceux qui donnent le confort,
Son corps est parmy nous, attendant que le sort
De la fatalité luy donne la Couronne.

N'en doutons point mortels qui ne soit bien heureux
Car ses actes, sonans qu'il estoit genereux
Le vouloient publier de son age l'ynique,
Aussi tous les Esprits des plus braues François
Se disposent aux chants, ainsi que ie conçois
Pour dire qu'il estoit vn Esprit Angelique.

F I N.

MEMORIAL
OF THE
REVEREND FATHERS OF THE
PROVINCIAL COUNCIL

OF THE
DIOCESE OF
BOSTON
IN
ANSWER TO A
LETTER FROM THE
HOLY SEE

OF THE
18TH OF
JULY 1864
RELATIVE TO
THE
PROPOSITION
FOR THE
ESTABLISHMENT
OF A
SEMINARY
FOR THE
INDIAN
MISSIONS

IN
THE
DIOCESE OF
BOSTON
AND
THE
ADJACENT
DIOCESES
OF
HARTFORD
AND
ALBANY

(M. 1. 1.)

SYLVIA PAPER

